

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02- 930/10  
Sarajevo, 29.07.2010. godine

**Z A P I S N I K**  
**16. VANREDNE SJEDNICE DOMA NARODA PARLAMENTA**  
**FEDERACIJE BOSNE I HERCEGOVINE, održane 29. jula 2010. godine**

Sjednica je počela u 10.57.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Na početku sjednice predsjedavajući je pozdravio delegate, zamjenika premijera Gavrila Grahovca, predstavnike Vlade Federacije Bosne i Hercegovine, predstavnike međunarodnih udruženja, predstavnike međunarodnih organizacija, kao i predstavnike akreditiranih medijskih kuća koje prate rad sjednice.

Izostanak sa sjednice opravdali su: Jasenko Tufekčić, Kenan Keserović, Denis Zvizdić, Zaim Imamović Kaze, Elvira Abdić-Jelenović, Lidija Bradara, Zoran Budimić, Tomo Vidović, Snježana Milavić i Slobodan Rodić.

Na osnovu evidencije Stručne službe, predsjedavajući je konstatovao da sjednici prisustvuje 41 delegat, što čini većinu, te Dom naroda može raditi i punovažno odlučivati.

Predsjedavajući je obavijestio delegate da je Vlada Federacije dostavila Prijedlog Zakona o deviznom poslovanju sa prijedlogom da se razmatra po hitnom postupku. Također, Klub zastupnika BPS - Sefer Halilović u Predstavničkom domu dostavio je Prijedlog Zakona o ovjeravanju potpisa, rukopisa i prijepisa sa prijedlogom da se razmatra po skraćenom postupku.

Predsjedavajući je obavijestio delegate da je Kolegij Doma naroda predložio da se Prijedlog Zakona o ovjeravanju potpisa, rukopisa i prijepisa razmatra u redovnoj proceduri, tj. u formi nacrtu Zakona, budući da je i Predstavnički dom razmatrao ovaj zakon u formi nacrtu.

Alija Begović i Zakonodavno-pravna komisija Doma naroda predlaže su implementacije prve faze Projekta regulatorne reforme na nivou Federacije Bosne i Hercegovine, tzv. Giljotina propisa.

Kolegij Doma naroda predložio je da se ova tačka razmatra u formi nacrtu Zakona kako bi Vlada Federacije mogla dati primjedbe i sugestije na ovaj projekt. Obavijestio je delegate da je Predstavnički dom skinuo sa dnevnog reda ovu tačku kako bi se dalo vremena Vladi Federacije i delegatima da mogu dati primjedbe i sugestije na ovaj projekt.

Kolegij Doma naroda predložio je da se u dnevni red kao 4. tačka razmatra - Prijedlog Odluke o osnivanju fonda za profesionalnu rehabilitaciju i upošljavanje osoba sa invaliditetom.

Pristupilo se glasanju o ovim prijedlozima.

Na osnovu rezultata glasanja, predsjedavajući je konstatovao da je:

- sa 30 glasova za, uz tri glasa protiv i uz dva uzdržana glasa, Dom naroda prihvatio da se Prijedlog Zakona o deviznom poslovanju razmatra po hitnom postupku;
- sa 33 glasa za, uz jedan glas protiv i uz jedan uzdržani glas, Dom naroda prihvatio je da se Prijedlog Zakona o ovjeravanju potpisa, rukopisa i prijepisa razmatra u formi nacrtu Zakona;
- sa 35 glasova za i uz dva uzdržana glasa, Dom naroda prihvatio je da se implementacija prve faze Projekta regulatorne reforme na nivou Federacije Bosne i Hercegovine, tzv. giljotina propisa razmatra u formi nacrtu Zakona.

Delegati su prihvatili da se kao 4. tačka dnevnog reda razmatra - Prijedlog Odluke o osnivanju fonda za profesionalnu rehabilitaciju i upošljavanje osoba sa invaliditetom.

Nakon toga prešlo se na glasanje o predloženom dnevnom redu.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno (36 glasova) usvojio sljedeći

#### **D N E V N I R E D:**

1. Prijedlog Zakona o deviznom poslovanju– hitni postupak,
2. Nacrt Zakona o ovjeravanju potpisa, rukopisa i prijepisa (predlagač: Klub zastupnika BPS - Sefer Halilović u Predstavničkom domu),
3. Nacrt implementacije I. faze Projekta regulatorne reforme na nivou Federacije Bosne i Hercegovine tzv. giljotina propisa (predlagač: Alija Begović i Zakonodavno-pravna komisija Doma naroda),
4. Prijedlog Odluke o osnivanju fonda za profesionalnu rehabilitaciju i upošljavanje osoba sa invaliditetom.

#### **1. Prijedlog Zakona o deviznom poslovanju**

Prijedlog Zakona utvrdila je Vlada Federacije Bosne i Hercegovine.

Predstavnički dom Parlamenta Federacije je na nastavku 32. sjednice od 14.07.2010. godine usvojio Prijedlog Zakona uz tehničke ispravke koje se odnose na čl. 8., 32., 47. i 58.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložila je Nermina Čerkez, predstavnica Vlade Federacije Bosne i Hercegovine.

U raspravi su učestvovali Igor Rajner i Nermina Čerkez.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 32 glasa za, uz jedan glas protiv i uz dva uzdržana glasa, usvojio Prijedlog Zakona o deviznom poslovanju.

## **2. Nacrt Zakona o ovjeravanju potpisa, rukopisa i prijepisa (predlagač: Klub zastupnika BPS - Sefer Halilović u Predstavničkom domu)**

Predstavnički dom Parlamenta Federacije Bosne i Hercegovine je na nastavku 32. sjednice od 14.07.2010. godine odlučio da Prijedlog Zakona razmatra u redovnoj proceduri, tj. u formi nacrta i Zaključkom ga prihvatio.

Zakon su razmatrala nadležna radna tijela i dostavila izvještaje.

Zakon je obrazložila Sanda Redžić, predstavница Kluba zastupnika BPS - Sefer Halilović u Predstavničkom domu.

U raspravi su učestvovali Igor Rajner i Sanda Redžić.

Na osnovu rezultata glasanja, predsjedavajući je konstatovao da Dom naroda Parlamenta Federacije **nije prihvatio** Nacrt Zakona o ovjeravanju potpisa, rukopisa i prijepisa jer je za glasalo 19 delegata, 10 delegata je bilo protiv, a osam delegata je bilo uzdržano.

## **3. Implementacija I. faze Projekta regulatorne reforme na nivou Federacije Bosne i Hercegovine tzv. giljotina propisa**

Predlagači ove tačke dnevnog reda su Alija Begović i Zakonodavno-pravna komisija Doma naroda.

Zakone koji su dio ovog projekta razmatrala su nadležna radna tijela i dostavila izvještaje.

Nacrte zakona obrazložio je Alija Begović.

U raspravi su učestvovali Igor Rajner i Alija Begović.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 33 glasa za, uz jedan glas protiv i uz tri uzdržana glasa, usvojio sljedeći

### **ZAKLJUČAK:**

1. Dom naroda Parlamenta Federacije Bosne i Hercegovine prihvata Nacrt implementacije I. faze Projekta regulatorne reforme na nivou Federacije Bosne i Hercegovine („giljotina propisa”) i smatra da može poslužiti kao osnova za izradu prijedloga Zakona koji su dio ovog projekta.
2. Zadužuju se predlagači - Vlada Federacije Bosne i Hercegovine i resorna ministarstva da imaju u vidu primjedbe, prijedloge i sugestije iznesene na sjednici Doma naroda.

#### **4. Prijedlog Odluke o osnivanju fonda za profesionalnu rehabilitaciju i upošljavanje osoba sa invaliditetom**

Prijedlog Odluke utvrdila je Vlada Federacije Bosne i Hercegovine.

Predstavnički dom Parlamenta Federacije Bosne i Hercegovine je na nastavku 33. sjednice od 28.07.2010. godine donio Odluku o osnivanju fonda za profesionalnu rehabilitaciju i upošljavanje osoba sa invaliditetom.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno (36 glasova) usvojio Odluku o osnivanju fonda za profesionalnu rehabilitaciju i upošljavanje osoba sa invaliditetom.

\* \* \*

Sjednica je završena u 11.56.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVAJUĆI

Stjepan Krešić